

### তালাবার উদ্যোগে সেমিনার কুদরত-ই-খুদা শিক্ষা কঃ রিপোর্ট বাস্তবায়ন না করার আহ্বান

গতকাল বাংলাদেশ জমিয়তে তালাবায়ে আরাবিয়ার উদ্যোগে ঢাকা জাতীয় প্রেসক্লাব মিলনায়তনে 'ডঃ কুদরত-ই-খুদা শিক্ষা কমিশন রিপোর্ট ও মাদ্রাসা শিক্ষার ভবিষ্যৎ' শীর্ষক এ সেমিনার জমিয়াতুল মোদারেরীন বাংলাদেশ-এর সিনিয়র সহসভাপতি মাওলানা আবদুস সালাম-এর সভাপতিত্বে অনুষ্ঠিত হয়।

সেমিনারে প্রধান অতিথি হিসেবে গুরুত্বপূর্ণ বক্তব্য রাখেন বিশিষ্ট শিক্ষাবিদ, দারুল ইহসান বিশ্ববিদ্যালয়-এর ডাইস চ্যান্সেলর আলহাজ্ব ডঃ সৈয়দ আলী আশ্রাফ, প্রবন্ধ উপস্থাপন করেন বিশিষ্ট লেখক ও গবেষক মাওঃ ইশা শাহেদী।

স্বাগত ভাষণ প্রদান করেন সংগঠনের কেন্দ্রীয় সভাপতি মোঃ মাকসুদ উল্লাহ আমিনী।

সেমিনারে উপস্থাপিত প্রবন্ধের উপর আলোচনা করেন বিশিষ্ট ইসলামী চিন্তাবিদ জনাব হাফেজ হাবিবুর রহমান, অধ্যাপক মাওঃ আবুল কাছেম মোঃ ছিদ্দীকুল্লাহ, প্রিন্সিপাল মাওঃ মুঃ শামসুল হক, মাওঃ এ. কে. এম মাহবুবুর রহমান, বিশিষ্ট সাংবাদিক জনাব আনিসুজ্জামান হারুন ও মাওঃ আবুবকর ছিদ্দিক প্রমুখ।

প্রধান অতিথি তাঁর ভাষণে উপস্থাপিত প্রবন্ধের সাথে সম্পূর্ণ একমত পোষণ করে বলেন, আজ থেকে ২৩ বছর পূর্বে ডঃ কুদরত-ই-খুদা শিক্ষা কমিশন রিপোর্টটি উপস্থাপিত হয় একটি হীন ষড়যন্ত্ররূপ। যার মাধ্যমে সমাজতন্ত্রের মানসপত্র তৈরীর নীলনকশা আঁকা হয়। এ রিপোর্ট গণধিকৃত মুসলিম উম্মাহর ইমান, আকিদা ও চিন্তা বিরোধী।

প্রবন্ধকার তার বিশাল প্রবন্ধে ডঃ কুদরত-ই-খুদা শিঃ কঃ রিপোর্ট-এর বিভিন্ন উদ্ধৃতি তুলে ধরে বলেন, তার এই রিপোর্ট হীনী শিক্ষার একমাত্র বাহন। মাদ্রাসা শিক্ষাকে সমূলে ধ্বংস করার একটি ষড়যন্ত্রমাত্র। বর্তমান সরকারের এই রিপোর্ট বাস্তবায়নের পদক্ষেপ গোটা জাতিকে হতবাক করেছে। বক্তাগণ এই গণবিরোধী রিপোর্ট বাস্তবায়নের পদক্ষেপ বন্ধ করে দেশের প্রখ্যাত আলোচ্যে, হীন ও ইসলামী চিন্তাবিদদের নিয়ে মাদ্রাসা শিক্ষার একটি পূর্ণাঙ্গ রূপরেখা তৈরীর আহ্বান জানান।

বক্তাগণ এ রিপোর্ট বাস্তবায়ন না করার জন্য জোর দাবী জানান এবং মাদ্রাসা ছাত্র, শিক্ষক ও সর্বস্তরের জনগণকে-এর বিরুদ্ধে প্রতিরোধ গড়ে তোলার আহ্বান জানান।

সেমিনার শেষে ১১ দফাসম্বলিত একটি প্রস্তাব পাস করা হয়। প্রেস বিজ্ঞপ্তি।